




Oi. 9.



La





3

Ein flehlich ansuch-
en des ausschus der v.
Nider Osterreichischen
lande belangend die grosse itzige
fahr des Türcken halben.

Wittemberg.
Anno. M. D. XL.

2

1497

Christliche Kirchen

in der Stadt

Wittenberg

Landes- und Kirchen-Regiment

1497



An den Christlichen Leser/

Justus Jonas Doctor.



Diese klegliche
Schrift/ von der Türcken
grauffamkeit / ist alhie ei-
nem zugeschickt / welche
ich derhalben in Druck ge-
geben/ meniglich zum Be-
bet zu vermanen vnd anzu-
reitzen / Denn die not ist
viel grösser / denn man bedencet/ vnd sibet
mich fast an / es sey das ende vorhanden/
So vns das Elend mehr für die thür nahet/
so wir sicherer werden / Die Leute leben on
alle forcht / in hoffart / trotz / wollust /
geitz zc. verachten nicht allein Gottes wort/
sondern auch die gegenwertige straffe / das
billich zu verwundern / wie solche hertigkeit
in menschlichem hertzen sein könne.

Vnd damit die straffe grösser werde /
helffen die grossen König vnd Fürsten mit
allem vleis dazu / welche der welt last vnd
elend lindern solten / so verwüsten sie die
Christenheit / wie ein wild Thier / einen
schönen Garten verwüset / freueln offent-
lich wider Gottes wort / ermorden die glied-
mas Christi / vergessen ir Ampt / thuen
nichts

A ij

Handwritten note in a cursive script, possibly a marginalia or correction.

Handwritten note in a cursive script, possibly a marginalia or correction.

Handwritten note in a cursive script, possibly a marginalia or correction.

nichts wider die Türcken / sondern trachten
nur wie sie Krieg fürnemen / das Euangeli-
um zuuertilgen / Darumb ist nu kein radt /
denn das wir ernst beten / das vnser W^{er}
Christus / der Son Gottes / der seine Kir-
chen mit seinem blut erkaufft / das elende /
vbrige heuflin / das in bekennet vnd anruf-
set / von des Teuffels grimm / als der trewe
Dirt / erretten wolle / Denn wol zu achten
ist / so die letzte zeit neher kompt / so der Teu-
ffel grimmiger wird / denn er fület die offens-
barung seiner grausamen vntugend vnd der
ewigen straffe / Darumb wüet er schreckli-
cher wider Christum / vnd treibet auff einer
seiten die Türckische macht / auff der andern
den Papst vnd sein anhang / wider die ar-
men gliedmas Christi / zu vertilgung des
Christlichen namens / das also der gantze
Antichrist / Mahomet vnd Papst / alle
kresften versuche vnd vbe wider Christum.

Türcken
papisten

Antichrist

göttliche
Krieg

Vnd wiewol billich zubeclagen / das
Keiser vnd Könige dem Türcken raum ges-
ben / thuen nichts wider in / sondern wens
den sich gegen vns / wollen Kirche vnd Va-
terland selbs verderben / so ist doch solches
nicht wunder / denn nach dem sie bisanher
Christliche Lere verfolget / vnd Abgötterey
stercken / haben sie diese gnade nicht / das sie
löbliche / nützliche Krieg / dazu sie von Gott
beruffen / fürnemen köndten / haben iren
falschen



falschen Propheten / der sie leitet / nemlich /
den Bapst / sind verblindet / vnd wöllen
nicht sehen / das sie dem Teuffel dienen / so
sie zu sterckung der Bapstlichen irthumb /
Mord vnd blutuergiessen anrichten.

Do der Tyrannische Keiser Valens / *Valens.*
wider die Gotthen zoge / ruffet ein heiliger
man Isaac auff der strassen / vnd schrey *Isaac.*
den Keiser an / Was wiltu kriegen / so Gott
nicht bey dir ist / denn du verfolgest in / vnd
seine rechte Diener / Du wirst dieses volck
verführen / vnd selbs darnidder ligen /
Dieses ist also geschehen / wie Isaac gesagt /
denn das volck ward erschlagen / vnd Val
lens war in einem dorffe / das ward ange
zündet / darin ist er vberilet worden / vnd
also vmbkomen.

Wiewol nu diese jetzige zeit / ein leid vnd
leiden zeit ist der gliedmas Christi / so wer
den doch entlich die verblindten Könige
auch iren lohn empfangen / vnd werden das
Euangelium nicht gantz vertilgen können /
Es mus ein klein heufflin bleiben / das
Bapst / vnd der Türck / das sind der Pseu
doprophet / vnd Gog vnd Magog nicht
gantz auff fressen werden / Aber zu besor
gen / das der Gog vnd Magog / das ist ei
gentlich der Türck / noch ein grossen durch
zug thun werde / durch die vbrigen Christ
lichen

*Durch zug
des tür.
demus.*

lichen Tender / wie im Ezechiel gemeldet /
Doch wil Gott die straffe lindern / so wir
vns bessern / vnd in anruffen / wie vnser
WErr Christus spricht / von der letzten zeit /
Wir sollen beten / das wir den straffen / so
vber die welt komen werden / entfliehen mö-
gen / Darumb wollen alle Gottforchtigen
jr leben bessern / vnd mit ernst Gott in diesen
hohen nöten anruffen / vnd wider den Teuf-
ffel vnd des Teuffels werckzeug / Sog vnd
Magog / das ist / wider die Türcken / vnd
wider den Pseudopropheten / das ist wider
den Papst vnd seinen anhang beten / das
vns Gott erretten vnd schützen wölle / Es
wisse sich auch ein jeder zu erinnern / das er
sich nicht teilhaftig mache / an der verfol-
gung / welche Türcken vnd der Papst mit
seinem anhang vben.

Denn Christus spricht / die selbigen / so
zu der verfolgung helffen / werden schuldig
an allem blut der Heiligen / das vergossen
vom tode Abel an / bis zum ende / Solche
sünden wird Gott nicht vngestraft lassen /
ob gleich jetzund die Tyrannen lachen vnd
Gottes spotten / spielen vnter dem hül-
lin / geben für zum schein / sie wollen von friede
vnd eintrechtigkeit der Lere handeln / Aber
practicirn mittler zeit / vnd machen gesch-
winde verpantnus / wider das arme Euan-
gelium / vnd lassen die Licht gehen / ob das
der an

Der anfang sey / zu dem friede vnd verglei-
chung / geben wir allen verstendigen zu er-
wegen. Gott erkennet aller Menschen hertz/
der helffe vns / Amen.

Es wird auch vnserm teil auffgelegt /
als solten sie die hülffe wider die Türcken
hindern / welches ein offentliche lüge ist /
Denn die Fürsten vnd Stende dieses teils /
haben sich allezeit zur hülffe erboten / doch
das inen auch friede / oder stillstand zuge-
sagt würde / welches sie nu bey dreien jaren
nicht erlangen mögen / vnd ist darüber die
Acht / wider ettliche dieses teils ausgan-
gen / daraus des Gegen teils gemüt gnuga-
sam erkleret. So weis ich / das ein grosser
Herr gesagt / man solte das volck im schein-
des Türcken zugs zusammen bringen / vnd
erstlich die Deutschen vberziehen / die der
Bepstlichen Lere entgegen sind / Darauff
aber dem selbigen ein Vngerischer Herr ge-
antwort / das wenig glück zu hoffen / so
man also an die Türcken ziehen würde / so
man zuuor die hende mit der Heiligen blut
besprenget hette.

*Acht wider
Goffs Lere.*

Dieses habe ich also zu erinnerung hie
melden wollen / vnd bite Gott von gantzem
hertzen / er wolle die straffe lindern /
vnd sein Euangelium nicht
lassen vnterdrucken.

Den Hochwirdigen Durchleu-

chtigen / Hochgebornen Fürsten vnd Herrn / Auch
den wirdigen / wolgeborn / Gestrengen / Ehrnuesten
Erbern vnd ersamen Prelaten / Herrn Ritterschafft
ten / Manschafft / vnd denen von Stedten der
Fürstentumben öbern vnd nider Schlesien / vnsern
gnedigen Fürsten / freuntlichen / günstigen sondern
lieben Herrn / vnd guten freunden / so beyeinander
versamlet / vnd sein werden.



Wohwirdig / Durchleuchtig /
hochgeborn Fürsten / Erwir-
dig / wol gebornen / Gestreng /
Ehrnuest / Erber vnd Ersam /
gnedig Fürsten / freuntlich
vnd günstig Herrn / vnd son-
der lieb freunde / E. S. G.
frundschaft / gunst / vñ euch /
sein vnser gutwillig / freunds-
lich / vnd gantz willig dienst zuoran bereit. Wir
zweifeln nicht / E. S. gnad freundschaft / gunst
vnd jr / haben gut wissen vnd erfahrung / das zum off-
ter malen / von der Uiderösterreichischen / vnd Fürs-
tlichen Graffschafft Görz / vnser Vaterlender /
wegen der vorstehenden geferligkeit vnd verders-
bens / so die selben vnser Vaterlender / auch die Cron
Hungern / vnd ander vberbedrangung vnd verders-
bung / jetzt abermals vom Erbfeinde des Christlis-
chen namens vnd glaubens / des Türcken zugewar-
ten / die hochlöbliche Cron Behem / vnd derselben
zugewandten Fürstenthumb vnd Lender / vmb
Christliche

Gz raffschafft
Görz

Christliche vnd nachbarliche hülffe vnd beistandt
ersucht/ vnd angeruffen worden/ das darüber nach/
mals bemelten Landen / bey derselben gesandten/
den zehenden Februarij· verschinen achtvnddreissig
sten jars/ von den Stenden der hochlöblichen Cron
ein antwort eruoigt / wie **R. S. G.** freundschaft
gunst/ vnd jr/ ob hierin beschlossener abschriften eis
gentlicher vernemen mögen / Derhalben wir vns
alhie / nach lenger gehalten / vnd fleissiger hand
lung/ ongestern vnd heute/ mit Römischer zu Hun
gern vnd Behem 2c. Königlich Maiestet 2c. vns
sern aller gnedigsten Herrn / vnd Landsfürsten/
erst zu kundt eigentlich entschlossen / Vnd wiewol
wir hierauff gantzlichen des vorhabens vnd willens
gewest (wie sichs denn auch billich gezimpt vnd ge
bürt hette) **R. S. G.** freundschaft / gunst / vnd
euch aus vnsern mittel / vnd durch merer Herrn vñ
Personen/ in solchen der betrübeten Landen höchsten
obligen vnd not/ vmb nachbarliche hülffe / ersuchen
zulassen/ So haben doch dieselben **R. S. G.** freun
dschaft/ gunst vnd jr/ selbst gütlich zuerwegen / das
es den selben vnsern botschaften / in einer solchen
Kürze zu erreichen nicht möglich/ sondern mehr ver
hinderlich gewest were.

Aus diesen erzelten vrsachen/ vnd zu förderst
nach hochernenter **R. M.** vnser aller gnedigsten
Herrn / eigen gnedigsten zuergeben vnd schreiben/
So jr Maiestat derhalben dem wolgebornen Herrn
Ulrichen Christoffen/ Herrn von Boskaiwitz vnd
Tschernahor/ jr **R. M.** Rathe vnd mundschenck
en/ von vnsernt wegen gethan/ das er sich angezeig
ter solcher

er solcher handlung annemen vnd beladen solle.
Wir demnach von bemelter Lande vnd Fürstlichen
Graffschafft Görz / vnd zu der selben augenschei-
nigen fürderung vnd nutzbarkeit willen / jme bemel-
ten Herrn von Tschernahor / als vnserm sonderm
lieben freunde / Herrn vnd mit Landman / hieneben
alle handlung / bewilligung / endtschluss / vnd oblis-
gen / nach vermüg vnd ausführung einer Instruction
zugehickt / vnd beyhendig gemacht / Mit fleissig-
gem vnd freundlichem bitten / vnd begeren / K. S.
G. freundschaft / gunst / vnd jr / wollen also gemel-
ten Herrn von Tschernahor / in seiner werbung gne-
diglich / freundlich vnd gutwillig vernemen / jme
als vns selbst völligen glauben geben / vnd sich dara-
uff mit irer getrewen freundlichen vnd erschies-
lichen hülffe vnablesig / vnd wilfarlich / als die sol-
chem feur vnd last / auch nicht weniger angeessen
dermassen nachbarlichen vnd Christlichen erzeigen
vnd beweisen / als wir vns zu K. S. G. freunds-
schafft / gunst vnd euch / gantz vnabschlegig versehen
vnd getrösten / Vnd solches mit allem vleis / vnd
nachbarlichem willen / zukünfftiger vnd jeder zeit
gleiches fals / neben allen Christlichen vnd brüder-
lichen hülffen / hin widerumb mit zu tellen / vnd sie
nicht zuuerlassen / gutwillig vnd freundlich beschul-
den vnd verdienen wollen / Auch diss vnser schrei-
ben vnd ersuchen im besten / das es kurtz der zeit we-
gen / sich nicht anderst zutragen mügen / also auff-
nemen vnd erwegen. Geben zu Wien / den letzten
tag des Monats Decembris / Anno 2c. im xxxix.

U. die Ausschüss vnd gesandten der fünff
Küderösterreichischen Erblanden vñ Für-
stlichen Graffschafft Görz / so zu Wien
bey einander versamlet gewest.

Der Cron Behem antwort /

denen gesandten aus der Niderösterreichischen Erblande betreffend / die zusammenkunft 2c. abschrift.



S abermals auff

das freundliche fürtragen / durch euch vnd die Wolgeborenen / Gestrengen / Edlen / Ehrnuesten / vnserer besondere freunde vnd Herrn / als der Römischen / Hungarischen vñ Behemischen K. M. 2c. vnserer aller gnedigsten Herrn /

Niderösterreichischen fünff Erblande / geschickten / in jetz gemeinem Landtag / welcher aus dem Prager Schloss / am tage Vincentij / das ist / den zwey vnd zwentzigsten des Monats Januarij / dieses fünffzehnhundertisten vnd acht vnd dreissigsten jars angesetzt vnd gehalten / mit Credenz vnd Instructiō / von wegen einer zusammenkunft an ein gelegene Malstadt / Wie wir vns der verglichen mit den gehörigen Landen / so dieser Cron eingeleibet / samentlich alda zu handeln / wie dem Feinde Christliches namens zu widerstand / vnd erhaltung ihrer K. M. Lande vnd vnterthanen / durch einen volmechtigen ausschus zuuerfügen / vnd begeben / ferrer anregung beschehen / Welches alles wir zu genügen vernomen vnd verstanden.

Es waren wir der selben ewer werbung nach /

B ij

von

von wegen vnd an stat ewrer freunde/ der Herr dem
nachzusetzen wol gewilliget/ vnd im fall / also zuge-
sehen/ vns ganz freundtlich befließiget / Aber
weil wir keines wegs in vnserm mittel nicht haben
befinden können/ das es dieser zeit geschehen müge/
vnd noch viel weniger aus den Stenden wissen je-
mands darzu zuermügen/ zuuor vnd ehe wir ewer
der obgedachten Erblande entschluss oder vergleich-
ung des fals / durch die selbigen eines endelichen ver-
nemens belernet.

Ist nu im fall dis vnser wolmeinlich / auch
freundtlich bedencken / das ewr freundschaft vnd
gunst sich des selbigen / was für das nützlichest vnd
zutreglichist sein wolt/ in ewerm mittel vereinigen/
vnd entschliessen / Vnd so als denn solchs besche-
hen/ vnd wir einen angestellten Landtag/ auffs pöla-
dest von Römischer K. M. 2c. vnserm aller gnea-
digsten Herrn/ darnach vns den Stenden angesetzt/
haben würdē / das ewre freunde die Herrn der ange-
zeigten Erblande/ in vnser mittel/ volmacht wider-
umb hieher ire gesandte zuuerfertigen / nicht besch-
were tragen wolten .

So wöllen wir auch die zugethanen Lande/
als glieder dieser Cron / vnabsäumlich erfordern/ vñ
nach fürgetragner vnd ermerckter ewerer vergleich-
ung/ folgend vns auch gerne samentlich da zur zeit
vnterreden/ vñ mit vleis handeln/ das wir der selben
hieher obgesandten der Erblanden Pöschafften/
mit der antwort/ so vil vns auch zu thuen möglich/
versuchen/ die da freundtlich zuermessen vnd geachs-
tet werden müge .

Als vns

Als vns auch ewr freundschaft vnd gunsten/
die freundtliche zuentpietung ewer vnd vnserer lie-
ben Herrn vnd freunden der fünff Osterreichischen
Landen/ sonderlich ermeldet vnd angezeigt / dassel-
bige haben wir von euch mit gantz annemlicher vnd
danckbarer freundtligkeit / vermerckt vnd angeno-
men/ der freundtlichen zuuersicht / Ewer freunds-
schafft vnd gunsten werden jnen/ hinwiderumb vns-
ser freundtliche dienst/ liebs vnd gutes/ vnd das wir
jnen trewlichen alle wolffart gönnende anzuzeigen/
vnbeschweret sein. Datum auff dem König-
lichem Schloß zu Prag/ den zehenden tag
des Monats Februarij / Anno
Domini im xxxvij.

Instruction/was von der fünff
Niderösterreichischen Lande vnd Graffschafft
Görz ausschus vnd gesandten wegen / so ist alhie
zu Wien versamlet/ durch den Wolgebornen Herrn
Ulrichen Christoffen/ Herrn von Boskowitz vnd
Tschernahor/ Römischen K. M. 2c. Rathe vnd
Mundschencken 2c. jren sondern lieben freund vnd
Herrn / an die Hochwirdigen / Durchleuchtigen /
Hochgebornen Fürsten/ Erwirdigen/ Wolgebornen
Gestrengen / Ehrnuessen / Erbaren vnd Ersamen
V. allen Stenden der löblichen Fürstenthumben/
ober vnd nider Schlesien/ in nehest angehenden ver-
samlung/ gehalten Landtags/ wie der nach ge-
brauch/ der selben Fürstenthumben anges-
etzt/ auff neben ligend Credenzschrei-
ben / geworben werden solle.

B ij Erstlich

verm
2
1

Erstlich iren Fürstlichen Gnaden / freunds-
schafft vnd gunst / der gedachten Ausschüß gutwil-
ligkeit / sampt ehrerbietung nachbarlicher / freunds-
licher / gutwilliger vnd geflissner dienst / von jr selbs
vnd der Landen wegen anzeigen .

Vnd denn weiter erzelen / das die ausschüß aus-
sonder freuntlicher / nachbarlicher zuuersicht / so
diese Lande zu jnen / als die der Allmechtige vnter
eines Herrn flügel verordnet hette / trügen betreu-
get sey / jr auch der Christenheit vorstehend verber-
ben jnen fürzutragen . Wiewol die löblichen Für-
stenthumb ober vnd nider Schlesien von art streit-
bar / vnd irer thaten behümbt / vnd allweg dahin
gesinnet befunden waren / irem Feinde auffer des
Landes zubegegnen / welches ire voreltern mit irem
blut erzeigt / vnd jnen dadurch als jren nachkomen /
zu dieser rühlichen besitzung ires Vaterlands gehols-
ffen hetten / viel mehr ist izt verhofflich / das sie als
Christen begirig sein werden gegen dem Türcken /
der nicht allein jr / sondern ganzer Christenheit ge-
meiner Feinde ist / ire manliche tugend vnd hüffe zu
erzeigen / jnen vnd jren nachkomen / vor jm ruhe zu
erlangen / Witwen vnd weisen zubeschirmen / ire
Weib vnd Kinder in mehrer sicherheit zu stellen / vnd
aus dem das izt die Römisch zu Hungern vnd Bes-
hemien R. M. vnser aller gnedigster Herr vnd
Landsfürst / jr aller Haupt / vnd sie die fürnemesten
dieser Land mitglieder eines leibs / auch eines Herrn
vnterthanen / soniel höher stunde dieser Lande ver-
trawen zu jnen / wie auch jüngstuerschienen im sie-
ben vnd dreißigsten jar jr brüderliche / Christliche
hülffe

Commo-
to syl-
sioy

hülffe erschienen/ zu was nachteil es dazumal leider/
on jr der Landt vrsache geraten/ das were schmerz
lich zu hören/ sondern mehr Gott in sein Gericht zu
befehlen.

Desselben jres getrewen / nachparlichen vnd
Christlichen zusetzen/ sol der Herr von Tschernahor
jren Fürstlichen gnaden freundschaft vnd gunst
mit höchstem vleys danck sagen/ mit gegenerbietung
das diese Lande zu jrer wolfart / gleichermassen
trewlich setzen/ jr leib/ gut noch blut nicht verschö
nen würden.

Umb soniel aber des Türcken macht / nach der
beschehen leidigen niderlag/ je mehr fürbreche / vnd
an diese Niderösterreichische Lande fast hart drüna
ge/ desto höher vnd mehrer verursache sie / inen dies
ser der Lande grosses obliegen/ vorstünde/ verderben
abfall gemeiner Christenheit gestellet / vnd gelegens
heit jrer Grenzen vnangesehen / das sie der vorhin
bericht sein / abermals anzuzeigen / mit sonderm
vleys bittend / solches in freundlichem mitleiden
anzuhören.

Wiewol inen den Stenden des Türckischen
Keisers/ als von kleinem vrsprung/ grausamen/ vnd
menschlichen Tyranney der Christenheit / höchsten
abfall/ eroberung vnd vnterdrückung vieler Christ
licher Königreich vnd Lande / vnuerborgen / Den
noch nicht weniger zubrochen solchen der Christen
heit höchsten abfall/ aus sonder Christlicher erbar
mung zubeherzigen / Auch die wege vnd mittel zu
erwegen/ dadurch er soniel mechtiger Keiserthumb/
Königreich/ vnd Lande vnterdruckt/ als das Brie
schische/ welches der rechte sitz des Römischen Keis
serthumb

5233A

1594

Groß
Krieg

Alaer

Obitus Ludovici
ei Regis

10
11
12

serthums ist / der vngewerlich erst vor neunzig ja
ren erobert / vorher hat er des gros mechtigen Sol
dans stuel Mckeyr / auch das heilige vnd gelobt / vnd
alle der selbē anrührender Königreich vñ Land der
Christenheit abgedrungen / Was massen auch sein
vnerfettig / dürstig gemüt / den kleinen hauffen dieser
Christenheit / so noch in diesem Europäischen Kreis
vberblieben / ganz aus zurotten / vnd in seinen Tyr
rannischen gewalt zu bringen stunde / vnd numals
gar vor wenig jaren dieser Landen vorschilde vnd
veste maur / als die nehest anrührender Königreich
Fürstenthumb vnd Lande / Potentaten vnd herrs
schafften / fürnemlich Boffen / Krabaten / Surffey
Tschenderweg / Despoten / vnd andere mechtige
Zeupter vnterdruckt / sein fues ferner in die gros
mechtige vnd fruchtbar Cron Hungern gesetzt / dies
selbige durch seiner dreier / gewaltiger / personlich /
vnd denn durch viel beschehener vnd manigfaltigen
streiffen vnd vberzoge / nach abtilgung König
Ludwigs / löblicher gedechtnis / mehrer teil in sein
gewalt gebracht / vnd in solchem die vngewinlichen
Schlüssel vnd Pforten der Christenheit / gegen
Teutsch / zu förderst diesen Landen vnd Cron Bes
hem / als Kriechischenweissenburg / Schabat / Jhes
riza / Wardein / Clutsch / Camengrad / Vdwin / fol
gend den Königlichen stuel Ofen / Elis / vnd ander
vnzeliche flecken / Pass / Stet / Schlösser vnd vesten
erobert / Auch sind der jüngsten niderlagen in Win
disch Land / vnd für Elis / dasselbige Windische
Land schier gar verödet / vñ in seine gewalt bracht /
Den Venedigern in Dalmatien etliche ansehnliche
flecken vorferten abgedrungen / vñ darzu erst dieses
Sommer

Somer Castell Nouo bezwungen / ein ansehnliche
anzal Christliches Kriegvolcks erlegt / vnd gefan-
gen / das er numals von Constantinopel herwarts /
vber zwey hundert meilwegs erdrichs grund vnd
bodem / im vnterthemig gemacht / das nu jetzt diese
Land / on Zennig / so am Adrianischen Meer in Dal-
matien gelegen / vnd hinwertz auff Wihitsch / auch
fürter nach dem wasser Wuenna / bis der selbe flus
in die Saw fellet / in eussersten grenzen vnd ortfle-
cken haben / hat im von dannen vber die Saw / bis
zu der Traa / alles gehorsam gemacht / Vnd besitzt
dazu den Pass vnd flecken Esck / dardurch im die
Landschafften von der Traa / gar an die Thunaw /
alle offen stehen / Welche flecken vnd Pass dieser
landen / der Cron Behem / auch der ganzen Chris-
tenheit / nicht ein kleine vormaur gewesen.

So besitzt er auch vñ Griechischen weissenburg
an alle Sedt / vesten vnd Schösser an der Thunaw /
bis gen Ofen / Vnd hat dar zu die gros herrschafft /
Molda in vergangen jar auch listig erobert / dadurh
im nicht kleine vrsach vnd gelegenheit / seines zugs
auff die Cron Behem / vnd der selben zugethanen
Lande sein wird. So nu alle gegenwehr / durch ma-
nigfaltigen widerstandt / bey Hungern / Krabaten /
vnd diesen Landen / nach dem sie gar aus gematt /
dermassen erligt / das der selbe Türck irenthalb also
für vnd für fürbricht / sein sues je pas in diese Lande
setzt / viel tausent Christliches volcks jerlich jemerlich
verfür / vnd in Windisch Land / allein vor wenig
jaren / ob achtzig tausent hausgefessen Christen bis
enkbar gemacht / vnd noch teglich in vnauffhörli-
cher vbung stehet / das Christliche volck zum teil

C durch

Castell nouo.

das ist
die
jener

Durch gewalt/ vnd sonst durch listige practicken in
seinen zwang zubringen/ als durch solchen weg/ das
er die selben armen bezwungen vnterthanen vmb ein
schlecht gelt oder tribut vertröst / friedlich vnd in
gutem schein auff iren gründen zu sitzen / vnd sie als
bald / zu seiner zeit vnd gelegenheit / nach seinem Ty-
rannischen brauch / in den ewigen zwang vnd elend
mit hauffen wegtreibet / dasselbe erdtreich mit an-
derm vnchristlichem volck besetzt / vnd also auff was
wege er kan oder mag / die Grenzen dieser Lande
einzeucht / vnd sich mit seiner macht vnd völdern
nehnet / Er reizet die Christliche gefangene jugent
zu kriegs vbung / vnd befördert jnen alle mittel / wels-
cher vnter jnen das kleinst gemüt von art / natur
zum krieg hat / das bringet sein education leider ges-
gen der Christenheit / in mehrer würckung / Also/
das die selbe jugent so ganz girig / vnd blutdürstig
gegen der Christenheit sind / darauff angewisen vnd
erzogen werden / das die den größten schaden vnd
verführung thuen / das nicht wenig zu beschmertzten
ist / das sein liste dermassen fürgehen vnd würcken/
auch die Christenheit / mit jrem eigen blut kriegen
sol.

*jaynis un
uicij
rannij*

Aus solcher der gemelten Fürstenthumb / Kö-
nigreich vnd Lande verlust / auch der zugefüget scha-
den vnd verderben / wechsset dem Feinde ein vnabs-
lesliche hoffart / so jm all sein fürnemen glücket / Das
verursacht vnd stercket jn / in seinem Tyrannischen
thun. In erlüstiget auch das fruchtbar erdtreich /
der Cron Hungern vnd dieser Landt / vnd zum höch-
sten der schwache / vngenugsam widerstand vnd sein
vnerfotlich gemüt zu herschen erhebet jn / das er sich
an erobere

on eroberung dieser Lande nicht ersettigen liesse /
Vnd wir das ferer des verderbens / leider nach der
Cron Hungern / an diesen armen Landen / Also
auch / vnd mit besserem fug vnd vorteil / möchte es
auch an der Cron Bhem / vnd iren zu gethanen /
auch andern Landen / vnd der ganzen Christenheit
kürzlich sein.

Gleicher gestalt / wie er nahent ein Herr des
ganzen Erdboden / Also stehen sein kriegs hendel
am Meer / das er auch den grössern teil in besitzung /
Vnd hat sich diese jar her vnterstanden / mit seiner
trefflicher Armada in diesen Adriatischen Culff /
so zuvor vnerhort / einzumisten / Castel Nouo ferdt ein
genommen / vnd ist igt die not an Coruo vnd Cataro /
Venedisch gebiets . Es sey nu / das er eintweders
durch friedstands / wie denn zwischen Türcken vnd
Venedigern zu besorgen / oder mit gewalt für solch
parthen mit seiner Armada fürdringet / das er on
sondern widerstand vnd gerügligkeit wol thun / vnd
mag darzu von Vollena in gutem wind auff's wenis
gest in dreien tagen / Jenng / S. Veit / Triest / vnd
der selben ort vberfallen / Sein die flecken verloren /
so ist die Meer strasse der Cron Hungern vnd Bhe-
hem / auch diesen Niderösterreichischen Landen der
athem genommen / Auch diese Lande vom jm / auff
Meer / wasser vnd Lande gar vbringet.

Was sich denn nu in eroberung solcher Keiser-
thumb / Königreichen / Fürstenthumben / Prouin-
zien vnd Landen / für schlachten vnd blutuergiessen
vertilgung leibs vnd guts begeben / was er auch für

C ij

vmmenscha

vnmenschlich / blutig vñ viehische thaten an Mans
vnd Weibs personen / schwelchung der Frauen vnd
Jungfrauen / volbracht vnd zugefügt / vnd nem-
lich diesen Niderösterreichischen Landen / in seinen
geweltigen / zweien / personlichen heerzügen / beleges-
rung Wien vñ Güns / zugefügt / Darzu haben auch
diese Lande / sonderlich Crain / mit grossen vnd klei-
nen / streiffen / mit raub vnd brand / nu in die xx. jar /
vnd vorher gros verderben / an leib vnd gut erliden /
darunter etlich treffliche heerzüge gethan / darinne
viel treffliches Adels vnd ander Christliche perso-
nen abgeleibet / verfürt / vnd gefangen worden / Das
ist alles kleglich / jemerlich / erbermlich zu gedencfē /
vnd nicht wol möglich zuerzelen.

Derhalben / so im alle Pass vnd wasserstrom ges-
gen diesen Niderösterreichischen Landen frey vnd
offen / folget / das er aus obgemelten eroberten passen
vnd flecken / die Lande Crain vnd Görz / in einem
Steyr / in zweien Kernten vnd Osterreich / zum wes-
nigsten in dreien tagen / mit seinem Sacknam errei-
chen mag. Wie nahend aber der Türcke sich gegen
der Cron Behem / vnd der selben eingeleibten Lande
grenze / nach erobierung der herrschafft Molda /
welche pass / flecken vnd Schlüssel der selben Cron
benomen / vnd dardurch freier vnd sicherer zugang
vnd wege zu jnen gemacht sey / das ist berürten Sten-
den vast gut wissen / dauon mehr anzeigen zu thun /
vnnöt / Vnd haben daraus vast wol zu bedencfen /
was jnen für schaden / nachteil vnd verderben / vnd
gleich der last / wie igt in verlust des Windischen
Lands / vnd die gewartend geferligkeit diesen Lan-
den vor augen (das doch der Almechtig Gott / barm-
herziglich verhüten wolle) künsttig zustehen mag.

Auff solch des Türcken teglichen angriff / habē
sich diese Lande vber jr vermügen / aus hoffnung/
inen werde von irer S. G. freundschaft vnd gunst
zugesetzt / neben der hochgedachten R. M. 2c. als
irem aller gnedigsten Herrn vnd Landsfürsten / des
Türcken einfallen entgegen / so viel möglich / zur ge-
genwehr / an leib vnd gut / aus höchster begir / so sie
zu dem heiligen Christlichen Glauben tragen / auff
das sie von irem Vaterlande nicht abgescheiden / vñ
vertrieben werden / jetzt abermals hoch angegriffen
das an irem schmalen vermögen / zu erhaltung dieser
irer Vaterlande / inen vnd der ganzen Christenheit
zu gut / billicher weise nichts erwinden sol / vnd die
halbe gült / des ierlichen einkomens vnd vermögens
fürgenommen / darus ein Kriegsvolck zu Ross vnd
fuss / für die teglichen streiffung / vnd diss vierzigste
jar / an die grenze zu legen / Auch daneben von zwey
hundert pfund gelts / ein gerüst pferd / zu einem zus-
zug bewilligt / mit dieser weitem ausführung / das die
fünff Land vnd Görtz / ganz Christlich geneigt /
vnangesehen ires vnvermögens / Wo anders die
Cron Behem sampt iren zugethanen Landen / auch
ander Christliche heubter vnd Potentaten / ire brü-
derliche vnd Christliche hülffe / im werck zu einer
harrigen hülffe erscheinen lassen / ire oberzelte bewil-
ligung darzu zu thun / vnd an inen nichts / so viel
möglich ist erwinden / zulassen. Sie sind auch guter
hoffnung / die hochgedacht R. M. als die igt zu irer
Keiser. Maiest. in das Niderland reisen werden /
der höchst befürderer der hülffen / vnd dieses Christ-
lichen wercks / vñ das ein gemeine / Christliche / har-
rige Expedition erhebt vnd gesürdert daselbst / auch

Der König von Frankreich / vnd viel andere Christliche heubter / vnd des Reichs Stende sind / vnd on allen zweiffel wider diesen Feinde was ansehenlichs bedacht vnd für genomen / dahin sie auch zu irer Maiestat ire ansehenliche gesandten zu mehrer befürderung schicken werden / Were auch nicht vns dienstlich / wo ire S. G. freundschaft vnd gunst ire Potschafft mit schicken. Vnd so nu die Lande aller macht vnd vermögens / dermassen entplöset vnd entsetze / da nymals diese Lande seinen gewaltigen heerstreiffen / geschweigen der ganzen macht / on hülffe vnd beistand nicht vor sein mögen / Auch das die ausschüß aus warhafftigen kundtschafften erfahrung hetten / das der Türcke diesen eingehenden Somer / seinen gewaltigen vnd persönlichen zug / auff Hungern vnd diese Lande nemen / die vorigen eroberung der Cron Hungern vnd Windischen Landes zu erweitern / den vbertail / auch ferrer diese Lande / wo es der Almechtige Gott verhenget / vnd im kein widderstand geschehe / zu zwingen vnterstehen wirdt .

Weil denn des Türcken fürnemen nicht allein stehet / die Cron Hungern / vnd diese Niderösterreichischen Lande / sondern auch die vorgedacht / hochberhümte Cron Behen / vnd der selben angereichten Lande zu zwingen / vnd also je fürterbas den ganzẽ umbkreis der Erden vnterthenig zu machen / Darumb sie dieses irer / auch gemeiner Christenheit / obligen gemelten Stenden fürtragen lieffen / Vnd wie wol diese Lande aus den zugefügten scheden / vnd erzelten vrsachen vnd vberzügen ganz erarmet vnd erschöpfft / noch dennoch hetten sie sich / als vorstehet / angegriffen. So

So aber alles gegen des Türcken geschwinde
vberreilen vnd grossen macht nicht ercklich / noch
anstreglich / zu förderst / das / wo diese Nideröster-
reichischen Lande vom Türcken bezwungen / ist die
not vnd ferror gestracks an inen / wie sie als hochuers-
stendige wissen / das der Türcke seinen krieg / mehr
auff die eben / denn auff die pirgischen vnd rauhen
Lande lendet.

Sie sind auch zu diesen freundlichen vnd vers-
traulichen ersuchung / aus irem vor geschehen Chri-
stlichen erbieten auff dem Prager Schloss / gegen
iren geschickten erzeigt / vnd inen solch ir antwort
in Schrifte zugestellt worden / Nemlich / wo sich die-
se Niderösterreichischen Lande (was für das nütze-
lichst vnd zuereglichste sein wolte) vnter inen vers-
einigen vnd entschliessen / das sie als denn solches
auff einen zukünftigen Landtag / so von hoch ernen-
ter Röm. K. M. 2c. angesetzt würde / in ir mittel
mit volmacht widerumb durch der Landen gesand-
ten geschickten / vnd des nicht beschwer tragen sol-
ten / darauff sie die zugethanen Lande / als glieder
der selben Cron / vnabsentlich erfordern / vnd sol-
gends sich auch gerne samentlichen vnterreden / vnd
mit vleis handeln / das sie den selben alhin gbesand-
ten / der Erblanden potschafften / mit der antwort /
souiell inen zuthun auch möglich versehen / die da
freundlich zu ermessen vnd geachtet werden sol 2c.
Wie denn die selbe ir antwort / der Datum den zes-
henden tag des Monats Februarij / verschiens
achtvnddreissigsten jars ausgangen / mehrer ansfü-
rung mitbringet / zum höchsten geursacht / Wöllen
sich auch der selben / vnd ires erbietens genzlich ge-
trösten. Vnd

Vnd die freuntliche ersuchung geschehe nicht/
das die ausschüss an beiden/ Röm. Keiser. vnd K.
M. als iren aller gnedigsten/ vñ aller liebsten Herrn
billichen vnd Christlich entschüttung / wie bis her
befunden / zweifel trügen / allein ob die zufallenden
verhinderung / von iren beiden hoch ernenten Mai.
widerwertigen sperr theten / Aber denn sie ehe der
selben Maiestaten / auch des heiligen Röm. Reichs/
anderer Christlichen Potentaten vnd heubtern hilff
erhebet vnd ankumpt / sich erretten / vnd der selben
beste statlicher warten mügen / das auch der Feind/
wo Christlich / brüderlich / vnd freuntlich zusamen
gesetzt / in seinem fürnemen gehindert / wie den ges
dacht Potentaten vnd heubter / so sich die Stende
neben diesen Landen / irem vermügen nach / angrei
ffen / deste mehr vrsache vnd neigung nemen werdē/
ire hülffe auch so viel statlicher / vnd fürreglicher
darzu thun .

Wer ist je betrübter / als diese Lande / die von
solchem Feinde des aller heiligsten namen Ihesu / in
höchster / schwerer bekümmernis sind ? Was hat die
andern Lande vorher verderbet ? Niemand anders /
als das inen kein hülffe vñ Christlicher beistand ges
schehen / dardurch hat sie der graussam Türck vnter
getreten / vnd sich der selben Keiserthumb vnd Kö
nigreich gemechtiget . Sie haben auch vmb hülffe
geschrien / aber die ist inen zu rechter zeit versaget /
vnd verlassen worden / Were solch elendes geschrey
ehe erhöret worden / ehe er diese Lande angetast / vñ
graussam verwüestet vnd verprent / das es einen
Christen billich erbarmen solt / vmb souiel deste stat
licher geschehe der widerstand / vnd wer die gegen
wehr

weer anstreglicher. Geschicht kein hülffe/so müssen diese Lande gereumet werden / Wo sol ein solch arme/ vertriebene wenig herberg vnd narung finden? Wie wird es auch hinfürt ein gestalt haben / so der Türcke das Christliche erdtreich mit den seinen besetzt/ von danne er je mechtiglicher vnd weiter auff die Christenheit greiffen wird / wie denn sein fürnehmen ist/ auch die arme Christenheit schwächen/ vnd mit der zeit gar zerstören möchte? Wiewol / wer diesen jamer nicht gesehen / dem mag mit schreiben noch hören/ so hoch als die sache an jr selbst / nicht eingepildet werden / viel weniger selbst begreifen/ noch bedencfen. Wen solt es nicht erbarmen / das jemerliche obligen / vñ weinen der armen gefangen? Das Göttlich vnd natürliche Recht gebent/ Gott vor allen dingen / vnd den Liebhesten / als sich selbst lieb zu haben. Alle Oberkeit/ Königreich vnd Lande sind auch von Gott / darzu fürgesetzt / mit der macht/ so sie noch haben/ den elenden vnd betrübten in iren nöten vnd trübsal/rath vnd beistand zu thun. Wer ist aber je elender vnd betrübter / als diese Lande/ die nu souiel jar her/ vom Türcken der massen bringet worden/ vnd noch kein auffhören ist / Allein Gott durch sein grundlose güte / reiche die gnade vñ hende seiner barmhertzigkeit / vnd bedencke sie mit seiner hülffe vnd mechtigkeit/ als denn ire endliche hoffnung ist.

Bisher ist wenig befunden / das solch ire der Lande bekümmernis die Christenheit mit dem / so noch vbrig/ bedacht/ vnd im fall/ inen einiche/endliche/ harrige vnd stete hülffe geschehen were / dar durch doch solcher gewalt / auch die grosse fürsorg/

D

damit

157. 158. 159.

Müny
magi.
strafim.



Jachania 23
rami 23.
49.

201 200.
190 200.
101 200.

damit man nicht in des Türcken gewalt kome / ab-
gelegt. Der Türcke berhümpft sich / er wolle das gan-
ze erdreich besitzgen / vnd sey ein Herr des irdischen
Paradis. Tu ist nicht anders daran / man schlahe
den Türcken aus den Landen / oder ziehe selbst dar-
aus / oder man thue jm gehorsam. Das erste ist be-
schwerlich / in dem / das das vermügen dieser Lande
zu klein / das ander ist noch beschwerlicher / dz sie an
aller ander Christlicher hülffe verlassen / jm die Lan-
de rennen müssen / Vnd das dritte ist das aller sch-
werest / sollen sie jm / als die nach Christen genennet /
vnd dem / der seines heiligen Namens / vnd er ein
Feinde vnd verschmeher ist / gehorsam thuen / Vnd
das ist die höchste Ergernis / das sie bey allen denen /
die den Namen Gottes ehren / von jnen solten in ein-
ewig / viehisch / Mahometisch wesen vnd Sect ge-
zwungen werden / zu sampt dem / das noch beschwer-
licher vnd kleglicher anzuhören / das der Türcke nie-
mand bey einicher gehorsam oder wonung bleiben
lesst / oder glauben vnd trawen helt / Sondern zu sei-
ner gelegenheit / das volck / wie zum teil vor gehört
ist / aus den Landen elendiglich zu ewiger / Tyrannis-
scher dienstbarkeit verführe. Wer möchte sich gegen
Gott / vnd seinen Göttlichen gnaden aus reden /
oder achten / das es on sein schuld geschehen were
des ursache sie auch zu diesen jren kleglichen vnd
letzten nöten anruffen / ob doch jemand durch Gött-
liche fürsichtigkeit ire aller stime hören / hülffe vnd
rath darzu thun wolt / damit sie nicht verkürzt od-
der verseumpft werden / oder so jemerlich verlassen /
Sondern doch ein Christlichen / harrigen beistand
hätten vnd erlangeten.

Demnach

Demnach sol vorgedachter Herr von Tschernahor / mehr gemelt Stende vnd versammlung mit sondermhohen vleis freundelich vnd nachbarlich ermanen / bitten vnd bewegen / das sie aus Christlichem gemüt / aus vor erzelten vrsachen / den schweren last bedencken / diesen beleidigten Landen / auffir vorbeschehen freundelichs / nachbarlichs vnd Christlichs erbieten / wie hienor gemelt / diesen Landen in iren nöten / vnd inen selbst zu gut beistehen / zu inen Christlich setzen / vnd sie nicht verlassen / Auch ist mit einem fürderlichen vnd eilenden zuzug erschiesliche / tröstliche vnd fürderliche hülffe / als iren mitgenossen vnd gliedern eines Herrn vnd Heubt vnterthanen / erzeigen vnd beweisen / vnd mitlerzeit alle wege dahin richten vnd bereiten / das hinfürt eine gleichmessige / harrige hülffe wider diesen Feinde / neben dieser Landen vnd anderer verhofflichen hülfffen / von inen für vnd an die Grenzen / so langst vñ nöten / gehalten.

Vnd solch bitten von ganzer Krafft / vnd demütiger ermanung / in dem aller heiligisten namen Ihesu / durch sein pitter leiden vnd heiligen Marter / vñ bey der hoffnung / des ewigen lebens thun / vnd sie zum aller höchsten / als Christen menschen / bitten sol / ermanen / das sie durch Gotteswillen sich dieser Lande erbarmen vnd behertigen wollen / die manigfaltige vnehe / so Gott dem allmechtigen bewisen wird / an wie viel tausentman sie die Türcken mordt begangen haben / Auch das betrübt elend / scheiden zwischen den Eheleutē / Frawen vñ Man / von iren kinden vnd freunden / die also jemerlich / nacket / parafuess / hungerig vñ durstig / in eisen verschmider vnd

D ij gebunden

*hypopofu
tyrannidis
m-ica*

gebunden / als die vbeltheter / in schnee / keltten vnd
eiss dargeföhret / geschleiffet werden / Auch den vns
menschlichen gewalt vnd freuel / so sie an den armen
Frawen vnd Jungfrawen begehen / die jemerlich /
Fleglich stimme der armen gefangen / so vmb hülffe
schreien / behertzigen / Auch die grosse vnbarmher-
zigkeit / so sie den alten Leuten vñ vnschuldigen an-
legen / Was sie nicht mögen verführen / das hawen
sie zu stücken. O wie jemerlich wird das Christliche
blut vergossen / O wie grosse armut / die armen ver-
derbten Christen / so jnen alles das verprent vnd ges-
nomen ist / leiden / vnd kein sicherheit haben / das sie
von dem grauffamen Feinde ruhe hetten. Wie ist
das so ein grosses elende / so die armen Frawen / auch
die Kindelbetterin mit jren Kindlin in finsterner nacht /
auch in grossem schnee vnd keltten / regen vnd wind /
fliehen müssen / da frost leiden / da ist kümernis / er-
schrecken / mancher schmerzen / jamer / hertzleide /
trauren / klagen / weinen / engstigung vnd betrüb-
nis
der menschen / das nicht wol ein hertz begreifen
mag / noch jemand dauon gnugsam sagen / noch sch-
reiben möchte / Das sie ansehen Gott den Almech-
tigen / den heiligen Christlichen glauben / das grosse
elende / das die Christen / auch diese Lande / jre nes-
hesten / auch eines Herrn vnterthanen sind / jre hül-
ffe / als vor gebeten / erscheinen lassen / jre augen zu
diesem jamer günstig auffthuen / damit diesen Land-
den zeitlich geholffen / einem mehrern vbel fürkom-
men / vnd solches alles fürdern / velleicht würde es
darnach zu spate. Eröbert er diese Lande / wo sie
jnen darnach gerne hülffe theten / so wird es aus / vñ
als den an jnen sein. Der Türcke setzet niemand kein
zeit //

Handwritten marginal note in a cursive script, partially obscured by a large water stain on the left side of the page.

zeit/ das verderben ist herbey/ vnd ist nicht anders/
wo kein hülffe / er werde die Christenheit bezwingen
en / des sie auch wol empfinden würden / davor sie
Gott gnediglich behüten wolle.

Vnd was also auffss eingehende xl. jar durch
sie fürgenomen vnd bewilliget wird / das solches jr
helffen auch zu der zeit / wie sich die Lande mit ein
ander eigentlich entschlossen haben bey irem volck/
an den orten vnd Grenzen/ alda es wider den Tür
cken von nöten sein wird / verhanden sey / vnd ge
stracks dargeschickt vnd vnterhalten werde. Dem
so solches an denen orten ordentlich vnd gefasset
bey einander / das daraus inen vnd diesen Landen
viel gutes/ zu beste mehrer sicherheit vnd befriedung
erfolgen vnd entstehen müge/ Auch in erwegung/ so
der Türcke der massen ein ansehenlich volck den nes
hesten an/ vnd wider in weis/ das er sich weder mit
seinem heer / noch streiffzügen/ vnd sonderlich in
frembde Lande zu ziehen/nicht einlasse.

Weiter mag auch berürter Herr von Tschernas
hor ernenten Stenden vnd versamlungen/ aus nach
barlichem vnd freundlichem gemüte vertragen/
das nicht allein vorbestimpte halbe gült dieses jertz
lichen einkomens vnd vermögens/ von diesen Erblan
den / vnd von 200. pfund gelts / ein gerüst pferde
zum zuzug zuhalten/ auff das 40. jar bewilliget sey/
sondern die selben Lande noch mehrer / als die sechs
jerige hülffen / vnd ander anligend aus gaben / auff
dar schickung der Lande potschafften/ die nicht we
niger zu dem fürgenomen werck / wider den Christo
lichen Feinde den Türcken/ nützlich vnd fürderlich
weren/ auff in hielten/ das sie durch aus in Landen/

D iij

vnd

Vnd auff der rüstung des zuzugs die ganze gült /
gilt vnd völiglich auff die Landleute angeschlagen
würden.

Der gleichen wo künfftige Somerzeit / bey der
Röm. K. M. Bepstlicher heiligkeit / dem heiligen
Römischen Reich / andern Christlichen heuptern /
Potentaten vnd Stenden / auch bey irer Mai. Kö-
nigreichen / öbern vnd fördern Landen / ein harrige
hülffe erlangt / vnd im augenschein / das als denn
nicht allein vber das vierzigest jar / das ander vnd
dritte jar / sondern mehr jar / odder so lange die not-
turfft erfordert / was zu einer harrigen hülffe dienst-
lich / auch solchs forthin zu mehrer vnd minders
sein wird / sich die ausschüß vnd gesandten von dies-
ser Widerösterreichischen fünff Landen / vnd Fürst-
lichen Graffschafft Görz wegen / der selben weiter
vermügen nach / würcklicher als izt zu bedencken /
handlen vnd zu schliessen sein mag / angeboten vnd
eingelassen hetten / vnd ist kein zweifel / so sich also
begertter massen die Stende in ein harrige vnd not-
dürfftige hülffe begeben vnd einlassen / so wird als
denn vmb hülffe bey hochernenter R. M. Bepstli-
cher heiligkeit / dem Römischen Reich / andern
Christlichen heuptern vnd Potentaten / auch soniel-
deste statlicher vnd fruchtbarlicher zu handlen / vñ
die selbigen zu erlangen sein.

Vnd ob in den Stenden zc. zu solcher künfft-
tigen / wider fürgenomen zusamentunfft / nemlichen
darumb der Erblande ausschüß die Röm. K. M.
auff künfftig Michaelis / oder Martini zu halten
untertheniglich angeruffen vnd gebeten worden /
auch gelegensam were / von mehrer leuterung vnd
richtigkeit

richtigkeit wegen ire gesandte
solches thuen/ vnd die Kön. M
zugeben/ auch mit höchstem vl
bieten mögen.

Mit gegen anbietung/ wie bi
de wegen/ wo die not vnd der last
für sie vnd meniglich Gott ber
wölle) als denn gleicher gestal
vnd brüderliche hülffe hinre
vnd sie nicht zuerlassen
gleicher massen zu ir
vnd verhoffen
Tschernaha
auffer ire
cht m^s
ger

Faint, illegible text, likely bleed-through from the reverse side of the page. The text is arranged in several paragraphs and is difficult to decipher due to its low contrast and the texture of the paper.



F6 36 38

ULB Halle

3


003 008 436



SA







Ein fleglich ansuch-
en des ausschus der v.
Nider Osterreichischen
lande belangend die grosse itzige
fahr des Türcken halben.

Wittemberg.
Anno. M. D. XL.

3

